

autem, nominat in fronte solum columnatam. Amphipro-
 stylos vero, vtrinque, idest in fronte & postico columnas
 habentem. Genus ædium in antis fieri existimauit Her-
 molaus, antis per ambitum templi extra parietes adhibi-
 tis, Vitruuius certe, non nisi ex fronte ita appellauit.
 Hypæthri vocabulum, satis indicat cuiusmodi ædes esset,
 nempe sub diuo sine vllō tecto. CVM HABE-
 BIT IN FRONTE ANTAS PA-
 RIETVM. Antas hoc loco interpretor lapideas pi-
 las in parietū extremis partibus. HVIVS EXEM-
 PLAR ERIT AD TRES FORTV-
 NAS, EX TRIBVS QVOD EST
 PROXIME PORTAM COLLI-
 NAM. Istorum templorum, ne ruinæ quidem su-
 persunt, & apud alium auctorem quod meminerim, non
 legi. Porta autē Collina, in hodiernum diem Salaria vo-
 catur, ab antiqua proxima via. IN VERSV-
 RIS. Versura hic significat flexum angulorum in pa-
 rietibus exteriorem, nam aliud scribimus lib. 5. cap. 6.
 HVIVS EXEMPLAR EST IN IN-
 SVLA TYBERINA IN ÆDE IO-
 VIS ET FAVNI. Iouis quidem templum Ro-
 mæ fuit iuxta ædem Æsculapii, Fauni autem, in initio
 insulæ Tyberinæ. Ouidius Fastorum lib. 1.
 Quod tamen ex illis licuit mihi dicere fastis,
 Sacrauere patres hæc duo templa die.
 Accepit Phæbo Nymphæq; Coronide natum,
 Insula diuidua quam premit amnis aqua
 Iuppiter in parte est, cœpit locus vnus vtrunq;
 Iunctaq; sunt magno templa nepotis auo.